

kontuola

KONTUOLA, Idolaz elkarte, ANTZUOLA. Kazetaria: Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Sergio Azkarate, Gari Bragado **Telefonoa:** 943 76 03 97 **Faxa:** 943 76 29 77.

Antzuolako hamabostekaria, 85. zenbakia. 2001eko irailaren 21a.

Balio katastrala berritu dute

Antzuolako Udalak kontribuzioa kobratzeko tipook ere aldatu ditu

Gipuzkoa osoko balio katastralak berrikusi eta berritu ditu Gipuzkoako Foru Ogasunak, baita Antzuolakoak ere. Berritasun horren gainean informazio zabalak eskaini dute komunikabideek; guk, Antzuolako egoera zelan geratu den bildu nahi izan dugu Kontuolan.

Orain arte indarrean izan diren balio katastralak duela 25 urtekoak ziren. Orduetik hona, lehen aldiz errebisatu ditu balio horiek Gipuzkoako Foru Aldundiak. Horrek esan nahi du Gipuzkoako ondasun higiezinaren balioa berritu egin dela. Aldundiak ondasun horietako bakoitza baloratzen du. Baina zertarako erabiltzen da balore hori? Besteak beste, gero, udal bakoitzak balio katastral horren arabera kontribuzioa kobratzen du. Izan ere, ondasun higiezinak Diputazioak baloratzen baditu ere, udal bakoitza arduratzen da kontribuzioa kobratzeko tipook ezartzeaz.

Kontribuzioa balio katastralaren gaineko tipoa da. Aurten ere, urtero egiten duen moduan, tipo horiek ezarri ditu Antzuolako Udalak. Aurten, baina, irizpide ezberdinak erabili ditu Udalak: balio katastralaren berritasunak kontuan hartuta ezarri ditu tipook.

OREKA BILATU NAHI IZAN DU UDALAK Diputazioak egindako berrikuspenarekin, ondasunen balioa asko hazi da, higiezinaren merkatua hartu duelako erreferentzia moduan; aurten ordaindu dutenaren bikoitza edo hirukoitza ordaindu beharko lukete herritarrek datorren urteko aurrera, Udalak tipook aldatu izan ez balitu. Igoera hori ekiditeko, diru kopuru jakina batzea erabaki dute, iaz kobratutakoari Kontsumo Prezioen Indizea gehi-



Balio katastrala berritzeaz gain, 2001etik aurrera, tipook berrituko dituzte.


tuta. Horrela, horren arabera kontribuzioa kobratzeko tipook ezarri dituzte.

Bestalde, balio katastral berriak kalkulatzeko, herria bi eremutan banatu du Gipuzkoako Diputazioak: etxebizitza erabilerarako lurzoruak eta industria erabilerarako lurzoruak bereiztu egiten ditu, eta bakoitzean dauden ondasunek ere horren arabera balioa hartzen dute.

Gauzak horrela, Udalak banaketa hori kontuan hartu eta bi tipo ezarri ditu: etxebizitza erabilerarako lurzoruak dau-

den ondasun higieziari %0,177ko tipoa ezarri die, eta industria erabilerarako lurzoruak %0,28koa, hain zuzen ere.

Azkenik, esan beharra dago urrian Gipuzkoako Diputazioaren notifikazioa jasoko dutela herritarrek. Notifikazio horretan aditzera emango diete bakoitzaren ondasunen balio katastral berria eta, era berean, horren arabera 2002. urtean ordaindu behar izango duten kontribuzio berria.



Berrikuspenak ekarriko lukeen igoera handia ekiditeko, tipook egokitu ditu Udalak




Matz-Erreka, 40 urte lanean

Antzuolako ekonomiaren oinarria industria da; enpresa garrantzitsuak ditugu herrian, horietako bat Matz-Erreka. 1961eko irailan ireki zuten Matz-Erreka bost lagunek. Bergaran sortu zuten enpresa, Masterreka kalean, hain zuzen ere; hortik datorkio bere izena. Ordutik, noski, asko aldatu da, izugarri hazi da eta hazten jarraitzen du, gainera: aurren bertan pabilioi berria zabalduko dute Mexikon, Queretaro estatuan, hain zuzen ere.

Torlojuak egiten hasi ziren 5 lagun duela 40 urte. Torlojuak eta antzerako piezak. Ordutik hona enpresak izan duen garapena, baina, izugarria izan da. Esan bezala, Bergarako Masterreka kalean egon zen Matz-Errekaren lehendabiziko tailerra. Baina, segituan alde egin zuten handik; urtebete pasa baino lehen, Labegaraietara joan ziren. 1967. urtetik, berriz, Antzuolan dago enpresa hori, orain dagoen tokian, hain justu. Ordurako 50 langiletik gora zituen. Mikel Agirrezabal Matz-Errekako gerenteak azaldu digunez, hasieran, finkapen piezak egiten hasi ziren, torloju eta antzerako pieza mekanizatuak.

Bigarren negozioa, plastikoarena, 1968an sortu zen. Kasualitatez hasi ziren plastikoaren negozioan. Izan ere, plastikozko piezak egiteko makinak ekoiztea zen euren asmoa, baina, azkenean, eurak hasi ziren plastikozko piezak egiten. Hurrela, zapatendako takoiak egiten hasi ziren. Urte dezentetan aritu ziren, gainera, takoiak egiten. Handik urte batzutura, 70 hamarkadan, altxariak apaintzeko plastikozko moldurak ere egin zituzten.

1970etik, bestalde, MCC kooperatiba taldean sartu ziren. Berrizaleak nonbait, eta 1982an hirugarren negozio bati ere ekin zioten Matz-Errekan: atek automatizatzeko sistemak egiten eta saltzen hasi ziren. Urte horietan guztietan gorabehera handiak izan arren, hiru negozio hauek mantendu dituzte, bai torlojugintza, bai plastikogintza, eta baita automatismo-gintza ere. Aldaketa sakonak egon dira, baina hirurekin jarraitzen dute.



Azken sei urteetan 150 langile izatetik 275 izatera pasatu da Matz-Erreka.

«80ko hamarkada amaieran eta 90eko hasieran enpresaren planteamendua aldatu genituen», azaldu digu Mikel Agirrezabalek. Negozio bakoitzaren kudeaketari autonomia handia ematea erabaki zuten, bakoitza bere aldetik indarberritu eta sendotu nahian. Berrikuntzaren aldeko apustu sakona egin zuten, eta esan dezakegu gaur egungo Matz-Errekak ez duela garai hartakoarekin zerikusirik. Negozio bakoitzak merkatuetan daukan kokapena asko aldatu da, eta baita enpresa bera ere: azkenengo urteetan bereziki, izugarri hazi da. Hona hemen hazkunde hori erakusten duten pare bat datu:

1996an 150 pertsona ari ziren lanean Matz-Errekan; gaur egun berriz, 275 bat dira. Neska-mutil gazteak joan dira sartzten, eta horrek, gazte kutsu berria eman dio Matz-Errekari. Beste datu esanguratsu bat fakturazioarena da, azken bost urte hauetan, bikoiztu egin dute eta. Hazkunde gainera hiru negozioetan izan da.

HIRU NEGOZIOEKIN, AURRERA

Esan bezala, plastikozko takoiak egiten hasi ziren; plastikozko piezak egiten jarraitzen dute, baina orain, zehaztasun handiko piezak egiten dituzte. Pieza txikiak, pieza teknikoak eta "konplikazio

ANTZUOLA

Apaintetak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatutako eta barnizatuak

Kalegoi 21, ANTZUOLA Tf.: 943 76 64 23

GOROSTI Taberna

☎ 943 76 62 96
Zurrategi plaza ANTZUOLA



handikoak" egiten dituzte, eta akatsik txikiak ere arazoak sor ditzake. Batez ere, tresna elektrikoendako eta autoendako piezak egiten dituzte. Lan gogorra da, baina badirudi ondo doakiela, gero eta hobeto, gainera. Bezeroak ere ez dituzte nolana hikoak: Copreci, Fagor, Robert Bosch, Mercedes Benz, edota General Motors, batzuk aipatzearen.

Torlojuak hasiera-hasieratik ekoizten dituzte; esan bezala, horrexetan hasi ziren, hain zuzen, duela 40 urte. Hala ere, urteekin, negozio hori ere izugarri aldatu da. Hasieran torloju eta antzerako pieza txikiak egiten zituzten. Gaur egun, berriz, finkapen elementu handietan espezializatu da Matz-Erreka, torloju eta antzerako pieza handi eta berezietan. Produktioaren erdia baino gehiago Europara bidaltzen dute.

Haize errotendako, ibilgailu handiendako eta eraikuntzarako torlojuak egiten dituzte. Curriculum polita dute, gainera; askok ez dute jakingo eraikin entzutetsu asko Matz-Errekako torlojuen jositako dagoenik; esaterako, Madrileko Dorre Bikiak, Bartzelonako Palau Saint Jordi edota Anoetako estadioa.

Azkenik, atea automatizatzen dituzte. Hau da enpresaren negozio berria, 1982. urtean hasi ziren eta. Bi ate motarako automatizazio sistemak egiten dituzte: pertsonak pasatzeko atearako, supermerkatuetan, aireportuetan, ospitaletan, eta abar, egoten diren ate automatikoak, batetik. Eta bestetik, autoen pasabideetarako: garaje eta txaletetako atearako, adibidez. Azken urteetan, gaine-

ra, asko hazi da negozioa, eta pabilioi berria egin dute; iaz inauguratu zuten.

KALITATEA ZAINDUZ

Matz-Errekak enpresaren filosofia eta lan egiteko era aldatu zituenean, kalitateari berebiziko garrantzia eman zion. Bezeroek ere halaxe eskatzen dute. «Merkatuaren esijentziari eta kompetentziari aurre egiteko, gainera, kalitatezko ekoizpena behar-beharrezkoa izaten da», Mikel Agirrezabalaren esanetan.

Horretan ere ez du hutsik egin Matz-Errekak; izan ere, daukan hiru negozioetan ISO 9000 kalitatearen ziurtagiria dauka. 1995ean, lehendabizikoa lortu zutenean, Euskal Herri mailan plastikoaren sektorean ziurtagiri hori lortzen zuen lehendabiziko enpresa izan zen Matz-Erreka. Iaz, berriz, QS 9000 ziurtagiria lortu zuen, ISO 9000 baino dezente esijenteagoa dena.

Aurten irekiko dute Mexikon plastikozko piezak egiteko lantegi berria

MEXIKORA BEGIRA

Matz-Erreka hazten ari denaren beste seinale bat da Mexikon pabilioia jarriko dutela laster. Aurtengo urtea bukatu baino lehen inauguratzeko asmoa daukate. Queretaroko estatuan jarriko dute pabilioi berri hori. Plastikoaren negozioa zabaltzeko aukera emango die lantegi berri horrek. Hemendik bi lagun joango dira Mexikora (bat joan da dagoeneko), hango langileei irakastera, eta proiektuaren arduradun bezala. Datorren hilean edo hurrengoan, dagoeneko, piezak egiten hasteko moduan egongo direla espero dute, Mikel Agirrezabal gerenteak azaldu digunaren arabera. Etorkizunari begira, pozik azaldu dira Matz-Errekako arduradunak. Agirrezabalaren esanetan, «duela urte batzuk genuen kapazitatea ez zen orain daukagun adinekoa, ezta gutxiagorik ere, beraz, aurrera begira itxaropentsu egon gaitzke».

Igor eta Txomin



Margoak orokorrean

ANTZUOLA

609 157 131

BERGARA

609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gas
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

Irune Ibarra, grafologoa

«Idazkerari esker, pertsonaren nortasuna ezagutu daiteke»

Datorren hilean, urriaren 20an hasita, grafologia ikastaroa eskainiko du Irune Ibarra markinarrak. Irune psikologoa da, eta grafologian espezializatuta dago. Idazkeraren bitartez jendearen nortasuna, jarrera edota harremanak ezagutzen ikasteko aukera paregabea izango da.

Zelan sortu zitzaizun grafologiarekiko zaleatasuna?

17 urte neuzkala, grafologiari buruzko liburu bat ikusi nuen, eta interesa piztu zidan. Ordurako, oso argi neukan psikologiako ikasketak egin nahi nituela, eta oso teknika kuriosoa iruditzen zitzaidan grafologia.

Zer da grafologia?

Idazkerako eta marrazkien ezaugarriak aztertuz, idatzi duenaren nortasuna ezagutzeko teknika da. Egia esan, mediku, psikologo eta filosofo asko ibili izan da urte askoan idazkera eta izakera lotu nahian. Batez ere, alemanez, frantsesez eta italieraz, gauza asko dago grafologiaz idatzita.

Adibidez, bikien idazkerak ikusi eta euren arteko antzekotasunak aztertzeko erabili izan da; baita, epileptiko eta psikopaten izakerak aztertzeko ere. Bestalde, idazkera adimenaz ere lotu izan da, eta horregatik, hasieran, adimen test moduan ere erabili zen.



Irune Ibarra psikologoa eta grafologoa da.

Gaur egun zertarako erabiltzen da?

Batetik, lehen esan bezala, nortasuna ezagutzeko erabiltzen da: adimena, borondatea, zelan lan egiten duen eta abar. Eta osasun fisiko eta psikologikoa ere jakin daitezke idazkeraren bitartez. Nortasun azterketetan oinarrituta, berriz, bikoteen bateratasun eta batera ezintasuna jakin daitezke, baita taldean zelan moldatzen den pertsona... Bestetik, peritajeak ere egiten dira grafologiari esker.

Nik, batez ere, hezkuntzaren arloan lan egiten dut. Urte askoan ibili naiz UEUn eskolak ematen, eta baita Antzuolan emango dudantako antzerako ikastaroak eta hitzaldiak eskaintzen ere. Bestalde, grafoterapeuta naiz; grafoterapia da idazkerako ezaugarriak aldatuz, nortasunaren hainbat ezaugarri aldatzeko teknika.

Edozeinek ikasi dezake grafologia?

Bai, bai; pazientzia pixka bat eta borondatea izanez gero, ikasi daitezke grafologiaren teknikak. Noski, ez da urtebetean edo bi urtean ikasten den zerbait, baina konstantzia eta gogorekin, edozeinek ikasi dezake. Antzuolan emango dudantako ikastaroa oinarritzkoa izango da; 10 orduan ezin da asko saskondu, baina hasteko, oinarritzko ezagupenak hartzeko ikastaro interesgarria izango da.

■ ■ ■
Edozeinek ikasi
dezake grafologia,
borondatea
izanez gero
■ ■ ■

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatuta eta barnizaketa •

GAILUR

taberna eta
gozotegia

Buztinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak •
- Paper margotuak •
- Moketak eta tapizatuak •